

**Decreto Lexislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado**

**Artigo 3. *Conceptos xerais***

**Tres. Acreditación do grao e a condición de persoa con discapacidade**

O grao de minusvalidez deberá de acreditarse mediante certificado ou resolución expedida polo órgano competente. En particular, considerarase acreditado un grao de minusvalidez igual ou superior ao 33% no caso dos pensionistas da Seguridade Social que teñan recoñecida unha pensión de incapacidade permanente total, absoluta ou grande invalidez e no caso dos pensionistas de clases pasivas que teñan recoñecida unha pensión de xubilación ou retiro por incapacidade permanente para o servizo ou inutilidade.

Igualmente, considerarase acreditado un grao de minusvalidez igual ou superior ao 65% cando se trate de persoas cuxa incapacidade sexa declarada xudicialmente, aínda que non alcance o devandito grao, así como nos casos de dependencia severa e gran dependencia, sempre que estas últimas situacións sexan recoñecidas polo órgano competente, de acordo co establecido no artigo 28 da Lei 39/2006, do 14 de decembro, de promoción da autonomía persoal e atención ás persoas en situación de dependencia

**Cinco. Actividade agraria, explotación agraria, elementos da explotación, agricultor profesional, silvicultor activo e titular da explotación**

Para os efectos previstos neste texto refundido, os conceptos de «actividade agraria», «explotación agraria», «elementos da explotación», «agricultor profesional», «silvicultor activo» e «titular da explotación» serán os recollidos na Lei 19/1995, do 4 de xullo, de modernización das explotacións agrarias.

**Artículo 13. *Mínimo exento***

O mínimo exento no imposto sobre o patrimonio establecese en 700.000 euros.

**Artigo 13 bis. *Cota íntegra***

A base liquidable do imposto se gravarase aos tipos da seguinte escala:

Base liquidable Ata euros	Cota Euros	Resto base liquidable Ata euros	Tipo aplicable Porcentaxe
0,00	0,00	167.129,45	0,20
167.129,45	334,26	167.123,43	0,30
334.252,88	835,63	334.246,87	0,50
668.499,75	2.506,86	668.499,76	0,90
1.336.999,51	8.523,36	1.336.999,50	1,30
2.673.999,01	25.904,35	2.673.999,02	1,70
5.347.998,03	71.362,33	5.347.998,03	2,10
10.695.996,06	183.670,29	En diante	2,50

**Artigo 13 ter. Deducións na cota do imposto sobre o patrimonio**

**Un. Dedución por creación de novas empresas ou ampliación da actividade de empresas de recente creación**

---

**Requisitos**

Que entre os bens o dereitos de contido económico computados para a determinación da base impoñible figura algúns ao que se lle aplicaron as deducións na cota íntegra autonómica do imposto sobre a renda das persoas físicas relativas á creación de novas empresas ou ampliación da actividade de empresas de recente creación, ou investimento na adquisición de accións ou participacións sociais en entidades novas ou de recente creación.

**Contía e límite da dedución.**

El contribuínte poderá aplicar unha dedución do 75 % na parte da cota que proporcionalmente corresponda aos mencionados bens ou dereitos, cun límite de 4.000 euros por suxeito pasivo.

**Incumprimento**

O incumprimento dos requisitos previstos nas deducións do imposto sobre a renda das persoas físicas determinará a perda desta dedución.

**Incompatibilidade**

Esta dedución será incompatible coas seguintes deducións:

- Dedución por investimentos en empresas agrarias
- Dedución pola participación nos fondos propios de entidades que exploten bens inmóbiles en centros históricos

**Dos. Dedución por investimentos en empresas agrarias**

---

**Contía da dedución**

Os contribuíntes poderán aplicar unha dedución do 100 % da parte da cota do imposto que proporcionalmente corresponda ao valor dos seguintes bens ou dereitos:

- a) Participacións no capital social de:
  - 1º. Sociedades de fomento forestal reguladas na Lei 7/2012, do 28 de xuño, de montes de Galicia.
  - 2º. Entidades agrarias, cooperativas agrarias ou de explotación comunitaria da terra que teñan por obxecto exclusivo actividades agrarias.
  - 3º. As entidades que teñan por obxecto a mobilización ou recuperación das terras agrarias de Galicia ao abeiro dos instrumentos previstos na Lei 11/2021, do 14, de maio, de recuperación da terra agraria de Galicia.
- b) Préstamos realizados a favor das mesmas entidades citadas na letra a) anterior, así como garantías que o contribuínte constitúa persoalmente a favor destas entidades.
- c) Participacións dos socios capitalistas en contas en participación constituídas para o desenvolvemento de actividades agrarias e nas que o partícipe xestor sexa algunha das entidades citadas na letra a) anterior.

No caso de participacións no capital social de entidades, a dedución só se aplicará ao valor destas, determinado segundo as regras deste imposto, na parte que corresponda á proporción existente entre os activos necesarios para o exercicio da actividade agraria, minorados no importe das débedas derivadas desta, e o valor do patrimonio neto da entidade. Para determinar esta proporción tomarase o valor que

## **Resumo de medidas normativas da Comunidade Autónoma e beneficios fiscais**

---

se deduza da contabilidade, sempre que esta reflecta fielmente a verdadeira situación patrimonial da entidade.

No caso de préstamos ou participacións en contas en participación, a dedución só se aplicará ao importe que financia a actividade agraria da entidade, entendéndose que financian esta actividade na parte que resulte de aplicar á súa contía total a proporción determinada conforme o previsto no parágrafo anterior

### **Requisitos**

- Os investimentos aos que sexa aplicable a dedución deben formalizarse en escritura pública, na cal debe especificarse a identidade dos contribuíntes que pretendan aplicar esta dedución e o importe da operación respectiva.
- Os investimentos realizados deben manterse no patrimonio do contribúnte durante un período mínimo de cinco anos, computado a partir do día seguinte á data en que se formalice a operación en escritura pública.
- No caso de operacións de financiamento, o prazo de vencimento deberá ser superior ou igual a cinco anos, sen que se poida amortizar unha cantidade superior ao 20 % anual do importe do principal. Durante ese mesmo prazo de cinco anos deben manterse as garantías constituídas.

### **Incompatibilidade**

Esta dedución será incompatible coa aplicación para os mesmos bens o dereitos das exencións do artigo 4 da Lei 19/1991, do 6 de xuño, do imposto sobre o patrimonio, aínda que a devandita exención sexa parcial.

## **Tres. Dedución pola afectación de terreos rústicos a unha explotación agraria e arrendamento rústico**

---

### **Requisitos**

Que entre os bens ou dereitos de contido económico computados para a determinación da base imponible se incluíren terreos rústicos afectos a unha explotación agraria.

A explotación agraria deberá estar inscrita no Rexistre de Explotacións Agrarias de Galicia.

Tamén terán dereito a esta dedución aqueles contribuíntes que cedan en arrendamento os terreos rústicos por igual período temporal, de acordo coas condicións establecidas na Lei 49/2003, do 26 de novembro, de arrendamentos rústicos.

### **Contía da dedución**

O contribúnte poderá aplicar unha dedución do 100 % na parte da cota que proporcionalmente corresponda aos devanditos bens ou dereitos, sempre que estean afectos á explotación agraria polo menos durante a metade do ano natural correspondente á devindicación.

### **Incompatibilidade**

Esta dedución será incompatible coa aplicación para os mesmos bens ou dereitos das exencións do artigo 4 da Lei 19/1991, do 6 de xuño, do imposto sobre o patrimonio, aínda que a devandita exención sexa parcial.

## **Catro. Dedución pola afectación a actividades económicas de inmobilés en centros históricos**

---

### **Requisitos**

Que entre os bens ou dereitos de contido económico computados para a determinación da base imponible se incluíren bens inmobles situados nos centros históricos determinados no anexo da Orde do 1 de marzo de 2018 pola que se determinan os centros históricos a efectos desta dedución.

Na orde que delimita os centros históricos establecerase a xustificación documental necesaria que acredite a pertenza do ben ao devandito centro.

## **Resumo de medidas normativas da Comunidade Autónoma e beneficios fiscais**

---

A pertenza do ben inmóvel a un centro histórico acreditarase, de acordo co establecido polo artigo único.2 da Orde do 1 de marzo de 2018 (DOG do 13), mediante certificado emitido polo concello correspondente de que o ben inmóvel atópase situado dentro da delimitación fixada no anexo da citada Orde do 1 de marzo de 2018.

### **Contía da dedución**

O contribúnte poderá aplicar unha dedución do 100 % na parte da cota que proporcionalmente corresponda aos devanditos bens ou dereitos, sempre que estean afectos a unha actividade económica polo menos durante a metade do ano natural correspondente á devindicación.

### **Incompatibilidade**

Esta dedución será incompatible coa aplicación para os mesmos bens das exencións do artigo 4 da Lei 19/1991, de 6 de xuño, do imposto sobre o patrimonio, aínda que a dita exención sexa parcial.

## **Cinco. Dedución pola participación nos fondos propios de entidades que exploten bens inmóbiles en centros históricos**

---

### **Requisitos**

Que entre os bens ou dereitos de contido económico computados para a determinación da base imponible se inclúiren participacións nos fondos propios de entidades en cuxo activo se atopen bens inmóbiles situados nos centros históricos determinados no anexo da Orde do 1 de marzo de 2018 pola que se determinan os centros históricos a efectos desta dedución.

Que devanditos bens estean afectos a unha actividade económica polo menos durante a metade do ano natural correspondente á devindicación.

Na orde que delimite os centros históricos establecerase a xustificación documental necesaria que acredite a pertenza do ben ao devandito centro.

A pertenza do ben inmóvel a un centro histórico acreditarase, de acordo co establecido polo artigo único.2 da Orde do 1 de marzo de 2018 (DOG do 13), mediante certificado emitido polo concello correspondente de que o ben inmóvel atópase situado dentro da delimitación fixada no anexo da citada Orde do 1 de marzo de 2018.

### **Contía da dedución**

O contribúnte poderá aplicar unha dedución do 100 % na parte da cota que proporcionalmente corresponda ás devanditas participacións.

A dedución só atanguerá o valor das participacións, determinado segundo as regras deste imposto, na parte que corresponda á proporción existente entre os devanditos bens inmóbiles, minorados no importe das débedas destinadas a financieros, e o valor do patrimonio neto da entidade.

Para determinar a devandita proporción tomarase o valor que se deduza da contabilidade, sempre que esta reflecta fielmente a verdadeira situación patrimonial da sociedade.

### **Incompatibilidade**

Esta dedución será incompatible coa aplicación para os mesmos bens das exencións do artigo 4 da Lei 19/1991, de 6 de xuño, do imposto sobre o patrimonio, aínda que a dita exención sexa parcial.

## **Seis. Dedución por incorporación de bens e dereitos aos instrumentos de mobilización ou recuperación das terras agrarias de Galicia.**

---

### **Requisitos**

Que entre os bens ou dereitos de contido económico computados para a determinación da base imponible se inclúisen bens incorporados a polígonos agroforestais, proxectos de aldeas modelo ou agrupacións de xestión conxunta previstos na Lei 11/2021, do 14 de maio, de recuperación da terra agraria de Galicia,

## **Resumo de medidas normativas da Comunidade Autónoma e beneficios fiscais**

---

Que os citados bens e dereitos deberán estar inscritos nos rexistros que resulten de aplicación, conforme o previsto na Lei de recuperación da terra agraria de Galicia e sempre que a citada adscrición se manteña durante un prazo de, polo menos, cinco anos.

### **Contía da dedución**

O contribuínte poderá aplicar unha dedución do 100 % na parte da cota que proporcionalmente corresponda aos devanditos bens ou dereitos.

### **Incompatibilidade**

Esta dedución será incompatible coa aplicación para os mesmos bens das exencións do artigo 4 da Lei 19/1991, de 6 de xuño, do imposto sobre o patrimonio, áinda que a dita exención sexa parcial.

## **Artigo 13 quater.      Bonificación na cota íntegra**

Aplicarase unha bonificación do 25 % do seu importe.

### **Vixencia**

Con efectos desde o 01/01/2022. Engadido polo artigo 2.*Un da Lei 18/2021, do 27 de decembro, de medidas fiscais e administrativas.*